



CONCELLO DE CALVOS DE RANDÍN

Praza A Laborada, s/n – 32644 CALVOS DE RANDÍN (Ourense)
Tfno. 988 434000 Fax 988 434110 concello.calvosderandin@eidolocal.es
NIF P-3201700-F

D. AQUILINO VALENCIA SALGADO, ALCALDE DEL AYUNTAMIENTO DE CALVOS DE RANDIN

(OURENSE).-

INFORMO:

Que a Comisión Europea puxo en marcha en 2008 o Pacto dos Alcaldes (Covenant of Mayors), unha iniciativa aberta a todas as cidades e municipios en Europa co obxectivo de involucrar ás autoridades locais e aos cidadáns no desenvolvemento e a aplicación da política enerxética da Unión Europea.

O Pacto consistía no compromiso das cidades asinantes de ir máis alá dos obxectivos adoptados para o ano 2020 pola UE para reducir as emisións de CO2 a través de medidas de eficiencia enerxética, de accións relacionadas coa promoción das enerxías renovables e da mobilidade urbana sostible.

A adhesión a esta iniciativa, supoñía acollerse ao denominado obxectivo 20/20/20, cuxa meta era aumentar a eficiencia enerxética un 20%, aumentar o uso de enerxía procedente de fontes renovables outro 20% e reducir as emisións de gases de efecto invernadoiro (GEI) un 20% para o ano 2020.

A partir do éxito do Pacto dos Alcaldes, en 2014 lanzouse a iniciativa Mayors' Adapt, baseada no mesmo modelo de xestión pública, mediante a que se invitaba ás cidades a asumir compromisos políticos e tomar medidas para anticiparse aos efectos inevitables do cambio climático.

O 15 de outubro de 2015, a Comisión Europea lanzou o Pacto dos Alcaldes para o Clima e a Enerxía (Covenant of Mayors for Climate & Energy), fusionando as iniciativas anteriores. Esta nova ferramenta pretende reunir aos alcaldes das cidades europeas nunha rede permanente de intercambio de información para a aplicación de boas prácticas: mellorar a eficiencia enerxética no ámbito urbano, conseguir unha redución das emisións de CO2 no ámbito territorial local e aumentar a resiliencia fronte ao cambio climático.

Para alcanzar estes obxectivos, os municipios adheridos ao Pacto comprométense a redactar un Plan de Acción para a Enerxía Sostible e o Clima (PACES), nun prazo máximo de dous anos dende a data de adhesión. O PACES inclúe:

- 1) un inventario de referencia de emisións (IRE) para facer o seguimento da súa efectividade das accións de mitigación;*
- 2) unha avaliación de riscos e vulnerabilidades ante o cambio climático;*



CONCELLO DE CALVOS DE RANDÍN

Praza A Laborada, s/n – 32644 CALVOS DE RANDÍN (Ourense)
Tfno. 988 434000 Fax 988 434110 concello.calvosderandin@eidolocal.es
NIF P-3201700-F

Ademais, cada dous anos presentarase un informe de seguimento do PACES e levarase a cabo a súa renovación.

O Pacto dos Alcaldes para o Clima e a Enerxía consiste no compromiso dos concellos signatarios de facer propios os obxectivos da Unión Europea para o ano 2030 e reducir as emisións de CO2 no seu territorio en, polo menos, o 40% a través de medidas de eficiencia enerxética e dun maior uso de fontes de enerxía renovable, traballando á súa vez na implantación de medidas de adaptación ao cambio climático e aumento da resiliencia fronte a este, así como un aumento da cooperación coas autoridades locais e rexionais similares na UE e fóra dela para mellorar o acceso á enerxía segura, sostible e alcanzable.

Sectores como os municipais, residenciais e terciarios e o transporte considéranse sectores clave para a mitigación. As autoridades locais deberán concentrar os seus esforzos en reducir a demanda de enerxía nos seus territorios e adaptar a demanda enerxética á oferta promovendo a utilización de recursos enerxéticos locais.

Coñecedor da importancia das accións locais na mitigación do cambio climático como Alcalde do Concello de Calvos de Randín recoñezo que o noso compromiso esixe:

- *Un liderado político forte.*
- *Definir obxectos ambiciosos a longo prazo, máis alá dos mandatos políticos.*
- *Unha interacción coordinada entre a mitigación e a adaptación a través da mobilización de todas as áreas municipais implicadas;*
- *Un enfoque territorial integral e intersectorial.*
- *A asignación dos recursos humanos, técnicos e financeiros axeitados:*
- *O compromiso de todas as partes implicadas nos nosos territorios.*
- *O empoderamento dos cidadáns como consumidores proactivos “prosumers” e participantes nun sistema enerxético responsable e sensible á demanda.*
- *Accións inmediatas, medidas flexibles e efectivas para agora e para o futuro, “non regresivas”.*
- *A implantación de solucións intelixentes para facer fronte aos retos sociais e técnicos da transición enerxética.*
- *Revisar periodicamente as nosas accións conforme aos controis e as avaliacións dos resultados.*

*No que se refire ás accións que se foron levando a cabo por parte do Concello de Calvos de Randín, dende a aprobación inicial do PACES, para cumprir os obxectivos estratéxicos descritos neste Plan, pódense mencionar as seguintes actuacións, que constitúen o **PLAN DE SEGUIMENTO**:*



CONCELLO DE CALVOS DE RANDÍN

Praza A Laborada, s/n – 32644 CALVOS DE RANDÍN (Ourense)
Tfno. 988 434000 Fax 988 434110 concello.calvosderandin@eidolocal.es
NIF P-3201700-F

- *Mellorar as captacións de auga de varios núcleos de poboación, como foron as de Feás, Rioseco, Pintás, Castelaus e Golpellás, para deste xeito mellorar a eficiencia de consumo e aforro de auga nesas poboacións, que estaban tendo problemas de eficiencia nos últimos anos.*
- *Cambio de compañía sUministradora de luz para o alumeadado público de todo o concello, contratando os prezos máis baixos do mercado e así poder rentabilizar o máximo os recursos, e facer un mellor uso da electricidade.*
- *Elaboración e posta en marcha do Plan Municipal de Emerxencia e Xestión do Risco de Seca, como ferramenta que complementa á planificación estatal e autonómica na materia, a unha escada de detalle máis centrada no territorio municipal, co obxectivo último de minimizar os efectos negativos que poidan producir os escenarios de seca.*
Este plan municipal de emerxencia e xestión do risco de seca, debe, como mínimo cumprir o seguinte: Describir e caracterizar os sistemas de abastecemento existentes en termos de recursos, demandas e infraestruturas; definir os escenarios de alerta e emerxencia e os indicadores e umbrais que determinan o seu comezo e establecer as medidas a poñer en práctica en cada un dos escenarios definidos, e os seus responsables.
- *Mellora da eficiencia enerxética no alumeadado público, implementando alumeadado LED's en case o 100 % do territorio deste municipio, substituíndo os puntos actuais de luz de tecnoloxías menos eficientes por iluminarias LED's.*
Cabe mencionar ademais a instalación de sistemas de regulación e control do mesmo que permiten manter tempos de funcionamento e niveis de iluminación adecuados en todos os núcleos deste concello.
- *Instalación de caldeiras de biomasa, en varios locais sociais, titularidade do concello, para deste xeito utilizar enerxías máis limpas.*
- *Formación aos empregados municipais para o uso intelixente da enerxía, para promover medidas de aforro enerxéticos e empregar de forma racional os sistemas as enerxías do municipio.*

Por todo iso, este Concello quere sumarse de novo ao PACTO DOS ALCALDES PARA O CLIMA E A ENERXÍA facendo a súa renovación por outro período de dous anos, ata o 2024, e apoiar esta iniciativa, necesaria para conseguir a sustentabilidade enerxética e a adaptación ao cambio climático do noso Concello.

En base ao exposto, aprobase a renovación por outro período de dous anos asumindo o compromiso de:



CONCELLO DE CALVOS DE RANDÍN

Praza A Laborada, s/n – 32644 CALVOS DE RANDÍN (Ourense)
Tfno. 988 434000 Fax 988 434110 concello.calvosderandin@eidolocal.es
NIF P-3201700-F

1. *Reducir as emisións de CO2 no noso territorio en ao menos un 40 por cento ata 2030 mediante o aumento da eficiencia enerxética e un maior uso de fontes de enerxía renovables.*
2. *Traballar na promoción de medidas para a adaptación ao cambio climático mediante a creación de plans de acción en favor da enerxía sustentable e o aumento da resiliencia fronte ao cambio climático.*
3. *Elaborar un Inventario de Emisións de Referencia e unha avaliación de riscos e vulnerabilidades derivados do Cambio Climático, como base para o Plan de Acción para o Clima e a Enerxía Sustentable (PACES) no que se resuman as accións clave que planean levar a cabo.*
4. *Presentar o Plan de Acción para o Clima e a Enerxía Sustentable no prazo de 2 anos a partir da sinatura oficial do Pacto dos Alcaldes para a supervisión e verificación do proceso.*
5. *Desenvolto o Plan de Acción, elaborar un informe bianual para a avaliación, control e verificación dos obxectivos, informando dos fitos acadados en cumprimento do Plan.*
6. *Compartir a nosa visión, resultados, experiencia e coñecemento con outras autoridades locais e rexionais da Unión Europea.*
7. *Adaptar as estruturas do Concello incluíndo a asignación de suficientes recursos humanos para o desenvolvemento das accións necesarias.*
8. *Mobilizar á sociedade civil no noso ámbito para que participe no desenvolvemento do Plan de Acción.*
9. *Comunicar os presentes acordos á Dirección Xeral de Calidade Ambiental e Cambio Climático da Consellería de Medio Ambiente e Ordenación do Territorio para facer posible as tarefas de apoio e coordinación.*

E para que conste e produza os efectos oportunos, expido a presente, en Calvos de Randín a 30 de decembro de 2022.

O Secretario,

Visto e Prace,

O Alcalde,

Asdo.: Daniel AlexioNanín Pascual.

Asdo.: Aquilino Valencia Salgado.